

Buta tak halang hafal surah

Muhammad Afiq buktikan kemampuan biarpun cacat penglihatan sejak lahir

NORJULIANA YAACOB

PENDANG - Kemampuannya menghafal beberapa surah di dalam al-Quran membolehkan seorang kanak-kanak kurang upaya (OKU) sejak lahir menerima Anugerah Tunas Jaya Gemilang Kategori OKU Terbuka sempena sambutan Hari Kanak-Kanak di Pendang, baru-baru ini.

Muhammad Afiq Haikal Norazizi, 10, yang cacat penglihatan berkata, dia mula mempelajari al-Quran ketika berusia empat tahun dengan bantuan ibunya.

"Walaupun saya tak boleh tengok tapi saya nak diri saya dekat dengan al-Quran. Saya mula belajar al-Quran melalui cakera padat (CD) yang dibeli ibu," katanya.

Ibunya, Nor Nadia Mohamad Ghazali, 37, yang juga ibu tunggal berkata, dia akan berusaha sehabis baik bagi memberikan didikan buat anak tunggalnya itu.

Menurutnya, dia dapat melihat anaknya gembira apabila diberi pendebatan sebegini.

"Saya tengok dia seronok bila dapat hafal satu-satu surah. Dia juga suka dengar ceramah agama di televisyen. Kalau ada rancangan agama, memang dia tak berganjak dari depan TV," katanya.

Tambahnya, paling lucu apabila anaknya itu mampu mengujuk cakap penceramah seperti Ustaz Kazzim Elias.

"Saya juga terkejut bila dia dapat



Muhammad Afiq menerima Anugerah Tunas Jaya Gemilang Kategori OKU Terbuka daripada Pengerusi Jawatankuasa Pembangunan Wanita dan Keluarga, Kebajikan Masyarakat, Pertanian dan Industri Asas Tani dan Pembangunan Usahawan Kedah, Datuk Suraya Yaacob.



Muhammad Afiq bersama ibunya, Nor Nadia.

tahu jadual waktu program keagamaan yang diminatinya walaupun tak boleh melihat," katanya.

Nor Nadia juga pernah menghantar Muhammad Afiq memasuki pertandingan Qari Junior pada musim kelima yang lalu.

Meskipun tidak beroleh kemenangan, namun anaknya itu tidak pernah menunjukkan sebarang reaksi kecewa.

Katanya, sejak melahirkan

Muhammad Afiq hingga kini dia senang untuk dijaga meskipun tiada insan bergelut bapa di sisinya.

"Waktu nak lahirkannya, doktor cakap peratusannya untuk hidup 50-50. Doktor juga cakap kalau dia selamat lahir pun, bahagian mata dan otak mungkin akan terkesan.

"Saya reda dengan apa yang ALLAH anugerahkan pada saya dan akan jaga amanah ini dengan baik," katanya.

Menurut Nor Nadia, sejak kecil lagi dia menghantar anaknya belajar mengaji bersama seorang imam masjid.

"Kebetulan ustaz itu dulu di ajar mengaji oleh tok gurunya yang juga cacat penglihatan. Jadi dia tahu macam mana nak ajar anak saya," katanya.

Malah katanya, anaknya itu juga merupakan johan hafazan tiga tahun berturut-turut bagi Majlis Tilawah Al Quran pendidikan Khas peringkat

Kedah.

"Pada 2015, dia muncul naib juara kategori hafazan dalam program Tilawah Al Quran kategori OKU di Sabak Bernam.

"Mei 2016 pula, dia dapat tempat ketiga dalam pertandingan hafazan yang diadakan di Melaka. Sebelum itu pada Februari tahun sama, Afiq diumumkan sebagai 10 peserta terbaik dalam pertandingan hafazan Cilik Little Huffaz Zon Utara," katanya.